

Članovi Upravnog odbora Vijeća za provedbu mira naglašavaju da jednostrani potezi neće riješiti pitanje državne i vojne imovine



Članovi Upravnog odbora Vijeća za provedbu mira rekli su danas da je činjenica da je Narodna skupština Republike Srpske usvojila Zakon o statusu državne imovine koja se nalazi na teritoriji Republike Srpske i pod zabranom je raspolaganja predstavlja jednostrani čin kojim se podrivaju dugotrajna nastojanja da se državna imovina raspodijeli tako da se osigura funkcionalnost svih nivoa vlasti u Bosni i Hercegovini (BiH), od čega će svi građani u zemlji uistinu imati korist.

Održivo rješavanje pitanja državne imovine i imovine odbrambenih struktura neophodno je da bi se osiguralo da BiH ima resurse koji su joj potrebni kako bi odgovorila na izazove koji se nalaze pred njom, uključujući i pristupanje Evropskoj uniji i puno učešće u Akcionom planu za članstvo u NATO-u.

Ambasadori Upravnog odbora Vijeća za provedbu mira više puta su upozoravali da se takvim jednostranim potezima neće postići ciljevi vezani za državnu imovinu i imovinu odbrambenih struktura te da će se njima samo dodatno odložiti ispunjenje programa "5+2" i zatvaranje Ureda visokog predstavnika (OHR)."

Kanada, Francuska, Njemačka, Italija, Japan, Velika Britanija, Sjedinjene Američke Države, Predsjedništvo Europske unije, Europska komisija i Organizacija islamske konferencije (OIK), koju predstavlja Turska, zajednički su nastupili u ovoj izjavi danas.